




ՎԵՂԱՐԻ ՏՎՉՈՒԹՅՈՒՆ

Սույն թվականի փետրվարի 28-ին, Վեհափառ Հայրապետի հատուկ կարգադրությամբ, Հայրենիքի տարբեր եկեղեցիներում երկարամյա քահանայական արդյունավոր գործունեություն ծավալած Ս. Արամ ավագ քահանա Բոյաջյանին, կնոջ մահվանից հետո, տրվեց վեղար կրելու իրավունք և ընդգրկվեց Մայր Աթոռի միաբանության շարքերը որպես կուսակրոն քահանա:

Արամ արեղա Բոյաջյանը ծնվել է Կահիրեում, 1928 թ. դեկտեմբերի 30-ին: 1946 թ. ավարտել է տեղի Գալստյան ազգային վարժարանի միջնակարգ դասընթացը, միաժամանակ փոքր հասակից ծառայել Ա. Գրիգոր Լուսավորիչ եկեղեցում:

1947 թ. տեղափոխվել է Մայր Հայրենիք և բնակություն հաստատել Լենինական քաղաքում: Այդ թվականից մինչև 1953 թ. աշխատել է Լենինականի տեքստիլ գործարանում:

1953—55 թթ. ուսանել է տեղի թեթև արդյունաբերության գործվածքեղենի մասնաճյուղի ուսումնարանում և ավարտել այն: Այդ ընթացքում շարունակել է իր ծառայությունները Լենինականի Ա. Յոթ վերք եկեղեցում որպես դպիր:

1955 թ. հունիսի 26-ին, հիշյալ եկեղեցու հավատացյալների խնդրանքի ու դիմումի հիման վրա, ձեռնադրվել է քահանա, ձեռամբ հանգուցյալ Ս. Վահան արքեպս.



Կոստանյանի, վերանվանվելով Ս. Արամ քահանա:

1957 և 1965 թթ. Վեհափառ Հայրապետի կողմից նրան շնորհվում է լանջախաչ և ծաղկյա փիղոն կրելու իրավունք:

1978 թ. Տ. Արամ քահանային Վեհափառ Հայրապետը շնորհում է ավագության պատիվ:

Տ. Արամ քահանան Լեհիմականի վերոհիշյալ եկեղեցում պաշտոնավարել է 26 երկար տարիներ: Իր ծառայությանը զուգընթաց 22 տարիներ անդուլ կերպով ղեկավարել է հիշյալ եկեղեցու քառաձայն երկսեռ երգչախումբը:

1981 թ. սկզբից, Վեհափառ Հայրապետի գիտությանը և բարձր կարգադրությանը, տեղափոխվել է Երևան և իր ծառայությունը շարունակել Ս. Զորավոր եկեղեցում՝ որպես ավագերեց ու լուսարարապետ:

Սույն թվականի փետրվարի 28-ին, ձեռամբ Մայր տաճարի լուսարարապետ գերաշնորհ Տ. Հուսիկ արքեպս. Սանթուրյանի, ստացավ վեղար կրելու իրավունք: Հավարտ առավոտյան ժամերգության, Հուսիկ արքեպս. Սանթուրյանի առաջնորդությանը, Տ. Արամ արեղան աներկաչացավ Վեհափառ Հայրապետին և ստացավ Նորին Սրբության Հայրապետական օրհնությունը: Այս առթիվ, ինչպես նաև նկատի ունենալով նրա երկարամյա ծառայությունը, Վեհափառ Հայրապետը Տ. Արամ արեղային շնորհեց վարդապետական լանջախաչ կրելու իրավունք:

